

dem omnino abolitam fuisse. Evangelica enim dogmata, et sapiens atque efficax Ecclesiae longanimitas hoc tandem perfecerunt, ut non solum crudelium dominorum arbitria, quae in servos, tamquam in bruta animantia, apud ethnicos ubique invaluerant, omnino deleta sint, verum etiam aut ad domesticum famulatum mancipiorum fortuna redacta, aut prorsus sublata sit<sup>4</sup>. Neque, nisi Ecclesiae sollicitudine et auctoritate, Nigritarum commercia a sordidissimis Europae mercatoribus inducta tamquam execranda habita fuerunt<sup>2</sup>.

## CAPVT II.

## De societate civili

52. Ex societatibus coniugali, paterna, et herili completa notio societatis familiaris coalescit. At vero familiae ab se invicem sciunctae pares non sunt, ut omnibus humanae vitae indigentis plane provideant, multoque minus ut ad perfectionem; ad quam homo tendit, perveniant; haec enim sine multorum collatis simul consiliis et laboribus obtineri non potest. Oportet igitur ut plures familiae auxilium mutuo sibi conferant, ac proinde inter se consencentur, ut bonum omnibus commune acquirant. Et quoniam opinandi, agendique libertas, atque dissimilitudo animorum, et imprudentia voluntates ac vires patrumfamilias distrahit, opus est alicuius imperio, quo illae uniantur, atque ita finem communem obtineant<sup>3</sup>. Inde existit *societas civilis*, seu a voce

ratio praescripta erat, qua cum viatico rebusque necessariis dimitterentur.

<sup>4</sup> Vid. Balmes, *Il Protestantesimo paragonato col Cattolicesimo* etc. (trad.), t. I, c. XV-XIX, p. 139 sqq; ibid., Appendix I, p. 397-416, ed. cit. Cf etiam Leymaire, *Journal des Économistes*, n. adut et octobre 1857, et Cochin, *L'abolition de l'esclavage*, 3 part., liv. X, Intro., Paris 1861.

<sup>2</sup> Vid. Roberti, *Lettera sopra il trattamento de' Negri*. In turpe illud commercium extant Litterae Apostolicae Summorum Pontificum Pii II, die 7 octobris an. 1462, Pauli III, 29 maii 1537, Urbani VIII, 22 aprilis 1639, Benedicti XIV, 20 dec. 1741, Pii VII postulationes ad principes. Quae sapientissima decreta complectens, Gregorius XVI in Litteris Apostolicis *De nigritarum commercio non exercendo*, die 3 decembris 1839, sua auctoritate validius confirmavit.

<sup>3</sup> Cf p. 87-88.

graeca πόλις, politica: « Sicut homo est pars domus, ita domus est pars civitatis<sup>1</sup> ». Et alibi: « Constituitur communitas civitatis ex multis personis, et eius bonum per multipli-ces actiones procuratur<sup>2</sup> ». Definitur proinde societas civilis secundum Aristotelem: Perfecta societas multorum virorum habens cumulum omnibus sufficientem non tantum ad vivendum, sed etiam ad bene vivendum<sup>3</sup>, seu familiarum congregatio, quae sub auctoritate supremae alicuius potestatis in hoc, quod securius et felicius vitam ducant, conspirant. Hinc s. Thomas: « Hi soli partes sunt multitudinis congregatae, qui sibi invicem communicant in bene vivendo. Si enim propter solum vivere homines convenient, animalia, et servi essent pars aliqua congregationis civilis. Si vero propter acquirendas divitias, omnes simul negotiantes ad unam civitatem pertinenter: sicut videmus eos solos sub una multitudine computari, qui sub eisdem legibus; et eodem regimine diriguntur ad bene vivendum<sup>4</sup> ». Porro haec societas inter societates perpetuas, ut diximus<sup>5</sup>, adnumeratur; siquidem « nec ad hoc instituitur, quod aliquo tempore modico duret, sed quod omni tempore perseveret per civium successionem<sup>6</sup> ». Ad huiusc societatis originem, finem, ad quem destinatur, potestatem, a qua regitur, nexum, quem cum religione habet, relationes, quibus una cum altera colligatur, aliaque his affinia explicanda caput istud instituitur: quae profecto hac praelestim aetate, qua nequam homines socialem ordinem funditus evertere conantur, studiose sunt discutienda.

## ART. I. De societatis civilis origine, et in primis hanc a natura repetendam esse ostenditur

53. Societatis civilis originem explicaturi, in primis hominem ex natura sua ad hanc societatem destinari demonstrabimus: deinde oppositas refellemus sententias: denique modum, quo naturalis sit civilis societas, definiemus.

<sup>1</sup> 1<sup>a</sup> 2<sup>ae</sup>, q. XC, a. 3 ad 3.

<sup>2</sup> 1<sup>a</sup> 2<sup>ae</sup>, q. XCVI, a. 1 c. Et s. Augustinus: « Populus est coetus multitudinis rationalis, rerum, quas diligit, concordi communione sociatus »; *De Civ. Dei*, lib. XIX, c. 24.

<sup>3</sup> *Polit.*, lib. III, c. I, p. 521, *Opp.* t. I, ed. cit.

<sup>4</sup> *Dé Regin. Princ.*, lib. I, c. 14.

<sup>5</sup> P. 88. — <sup>6</sup> 1<sup>a</sup> 2<sup>ae</sup>, q. XCVI, a. 1 c.

*Prop. Homo ex natura ad societatem est ordinatus.*

*Prob.* Homo ab ipsa natura ordinatur ad propriam vitam conservandam, atque ad facultates suas evolvendas, et perficiendas. Atqui haec sine societate obtineri nequeunt. Ergo.

54. Praestat hoc argumentum verbis s. Thomae enucleare: « Aliis animalibus natura praeparavit tegumenta pilorum, defensionem, ut dentes, cornua, unguis, vel saltem velocitatem ad fugam. Homo autem institutus est nullo horum sibi a natura praeparato, sed loco omnium data est ei ratio, per quam sibi haec omnia officio manuum posset praeparare, ad quae omnia praeparanda unus homo per se sufficienter vitam transigere non posset. Est igitur homini naturale, quod in societate multorum vivat. Amplius, aliis animalibus insita est naturalis industria ad omnia ea, quae sunt eis utilia, vel nociva, sicut ovis naturaliter aestimat lupum inimicum: quae-dam etiam animalia naturali industria cognoscunt aliquas herbas medicinales, et alia eorum vitae necessaria. Homo autem horum, quae sunt vitae sue necessaria, naturalem cognitionem habet solum in communi, quasi eo per rationem valente ex universalibus principiis ad cognitionem singulorum, quae necessaria sunt humanae vitae, pervenire. Non est autem possibile, quod unus homo ad omnia huiusmodi per suam rationem pertingat. Est igitur necessarium homini, quod in multitudine vivat, ut unus ab alio adiuvetur, et diversi diversis inveniendis per rationem occupentur, puta aliis in medicina, aliis in hoc, aliis in alio<sup>1</sup> ».

55. Quod argumentum hominem non ad qualemcumque societatem, sed ad societatem civilem ordinatum esse demonstrat; siquidem haec tantum, in qua magna hominum multitudo in communi utilitate, alicuius auctoritatis ductu, procuranda convenit, ea omnia suppeditare valet, quae ad suam conservationem et perfectionem homini inserviunt. « Civitas, inquit idem sanctus Doctor, est communitas perfecta . . . quia cum omnis communicatio omnium hominum ordinatur ad aliquid necessarium vitae, illa erit perfecta communitas, quae ordinatur ad hoc, quod homo habeat sufficien-

ter quidquid est necessarium ad vitam. Talis autem communitas est civitas. Est enim de ratione civitatis, quod in ea inveniantur omnia, quae sufficiunt ad vitam humanam . . . Et propter hoc componitur ex pluribus viciis, in quorum uno exercetur ars fabrilis, in alio ars textoria, et sic de aliis. Unde manifestum est, quod civitas est communitas perfecta. Est enim primitus facta gratia vivendi, ut scilicet homines sufficienter invenirent, unde vivere possent; sed ex eius esse provenit, quod homines non solum vivant, sed quod bene vivant, in quantum per leges civitatis ordinatur vita hominum ad virtutes<sup>4</sup>.

56. Praeterea, homo loquela naturaliter est instructus. Ast frustra eximium hoc donum, p[re]e aliis animalibus, inditum ei foret, nisi ad socialem vitam esset ordinatus. « Natura nihil facit frustra, quia semper operatur ad finem determinatum. Unde si natura attribuit alicui aliquid, quod est de se ordinatum ad aliquem finem, sequitur, quod ille finis detur illi rei a natura. Videlicet autem, quod, cum quaedam animalia habeant vocem, solus homo super alia animalia habet loquitionem . . . Cum ergo homini datus sit sermo a natura, et sermo ordinetur ad hoc, quod homines sibi invicem communicent in utili et nocivo, iusto et iniusto, et aliis huiusmodi, sequitur, ex quo natura nihil facit frustra, quod naturaliter homines in his sibi communicent. Sed communicatio in istis facit domum, et civitatem. Igitur homo est naturaliter animal domesticum et civile<sup>2</sup> ».

57. Id ipsum sanctus Doctor ex eo probat, quod idem est ultimus finis, ad quem omnes homines naturaliter ordinantur: « Oportet enim unionem esse affectus inter eos, quibus est unus finis communis: communicant autem homines in uno ultimo fine beatitudinis, ad quem divinitus ordinantur: oportet igitur, quod uniantur homines ad invicem mutua dilectione<sup>3</sup> », ac proinde in mutua societate; exinde enim fit, ut « iuvetur unus homo in hoc ex alio tam quantum ad cognitionem, quam etiam quantum ad effectionem: iuvant enim se homines mutuo in cognitione veritatis; et unus alium provocat ad bonum, et retrahit a malo<sup>4</sup> ».

<sup>1</sup> In lib. I Polit., lect. I. — <sup>2</sup> Ibid.

<sup>3</sup> Contr. Gent., lib. III, c. 117, n. 1. — <sup>4</sup> Ibid., c. 128, n. 2.

<sup>1</sup> De Regim. Princ., lib. I, c. 1. Cf Contr. Gent., lib. III, c. 85, n. 10.

58. Accedit tum naturalis ad societatem inclinatio, quam unusquisque intime experitur: siquidem nemo est, qui non amet in amicorum sive suos dolores exonerare, vel propriam laetitiam in aliorum veluti gremium effundere non gestat: tum status huius socialis constantia et universalitas, quae non aliunde, quam ex natura, orihi potest<sup>1</sup>.

59. Qua in re adnotandum est plurimum discriminis esse inter homines anti-sociales, et homines illos pietate insignes, qui totos se in antris et sylvis abdidere, ut, excusso temporalium negotiorum onere, Deo liberius servirent. Hi enim physice quidem a societate erant segregati, utpote qui habebant « naturam perfectiorem aliis hominibus communiter, ita quod per se sibi potuerint sufficere absque hominum societate, sicut fuit in Ioanne Baptista et beato Antonio eremita<sup>2</sup>; ast moraliter arctiori vinculo cum societate, cuius bono maxime consulebant<sup>3</sup>, coniungebantur.

#### ART. II. Adversae sententiae refelluntur

60. Adversae autem sententiae, quae statum socialem statui naturali adscitum, atque ex hominum voluntate enatum comminiscuntur, bifariam distingui possunt: 1° in opinionem Hobbesii, aliorumque Sensismo addictorum, et in opinionem Rousseauvii. « Illud axioma, inquit Hobbesius, hominem esse animal politicum, seu ad societatem natum, a pluribus receptum, falsum est; errorque a nimis levi naturae humanae contemplatione profectus est<sup>4</sup> ». E contrario, naturalis conditio hominum est status belli omnium contra omnes, in quo singuli ad illud perpetuo intenti sint, ut alios seu vi, seu fraude, seu quovis alio modo praecoccupent. Omnes enim naturaliter ius habuerunt in omnia, ideoque cuique licuit quaevis sibi propria facere, ceteros prohibere, aliena rapere, eosque coercere, vel etiam de medio tollere, si collibuisse, et sua interesse putasset: et quoniam iura omnium in eadem et incommunica bona necessario colliduntur, naturalis status debet

<sup>1</sup> Vid. Cousin, *Cours d'hist. de phil.*, p. I, leç. VI.

<sup>2</sup> In lib. I Polit., lect. I.

<sup>3</sup> Cf Taparelli, *Op. cit.*, t. I, p. 2, c. 2, § 329-333, p. 132, ed. cit.

<sup>4</sup> Elém. Philos., *De Cive*, c. I, § 1-2, p. 1-2, Amstelodami 1668.

esse bellum omnium in omnes<sup>1</sup>. At vero, cum in hoc statu, in quo omnes in alienam direptionem et caedem indesinenter incenduntur, vivere nequeant, hinc ipse amor propriae utilitatis invenit querendam esse pacem, et instituendam civilem societatem, qua singulorum ius in omnia circumscriptur, atque propriae incolumenti, et bonis iam acquisitis consuleretur<sup>2</sup>.

61. Contra quam immanem sententiam haec sunt praecepta: 1° Nihil est absurdius eo, quod Hobbesius effinxit, iure omnium in omnia. Cum enim ius non sit mera potestas physica, sed potestas rationi conformis, unde cuilibet iuri, quod alter possideat, necessario respondet in altero obligatio non resistendi, nec laedandi; sequitur ut ius unius ius alterius auferat, seu ut ius unitus in suo conceptu negationem iuris in quolibet alio includat. E. g., ius, quod unusquisque habet ad propriam vitam huiusque conservationem, quomodo cum iure, quo ceteri pollerent, illum laedendi, bonisque, quae sua fecit, potiendi consistere poterit? Igitur ius omnium in omnia idem significat, ac ius nullius in aliquid.

2° Status violentus non potest quidem esse naturalis<sup>3</sup>: atqui violentus est status belli; siquidem qui alium bello petat, vi illum oppugnare conatur. Ergo status belli, quem Hobbesius comminiscitur, nequit tamquam homini naturalis assignari.

3° « Omne appetens appetit pacem, in quantum scilicet omne appetens appetit tranquille, et sine impedimento pervenire ad id, quod appetit: in quo consistit ratio pacis<sup>4</sup> ». Quinimmo, observante s. Augustino, « pacis intentione ge-

<sup>1</sup> Thomasius statum naturalem hominis in quadam mixtione belli et pacis reponit, ita tamen, ut bellum supra pacem potiorem locum habeat. « Status naturalis, inquit, hominum omnium, accurate loquendo, nec status belli est, nec pacis, sed confusum chaos ex utroque; plus tamen participans de statu belli, quam de statu pacis » (In *Fundam. Iuris nat. et gent.*, lib. X, c. 3, § 55). Pufendorfius « nullum, ait, homine animal ferocius, aut indomitum magis, quod in plura vita, pacem societatis perturbare apta, sit proclive »; *De officio hominis et civis*, lib. II, c. 5, § 6.

<sup>2</sup> Ibid., c. I, passim. — 3 2<sup>a</sup> 2<sup>ac</sup>, q. CLXXV, a. 1 c.

<sup>4</sup> Ibid., q. XXIX, a. 2 c.

runtur et bella »; necnon « latrones ipsi, ut vehementius et tutius infesti sint paci ceterorum, pacem volunt habere sociorum<sup>1</sup> ». Quod argumentum potest etiam hac ratione concipi: Naturalis inclinatio ad bellum alteri inclinationi, quam naturaliter insitam habemus ad conservationem nostri, contraria esse non potest: quocirca cum secundum illam priorem inclinationem agunt homines, contra hanc alteram agere eodem modo non possunt, ac si illa penitus destituti forent: nam inclinatione ad conservationem nostri ita afficimur, ut numquam ea a nobis exui possit. Igitur semel ac secundum illam priorem inclinationem agant homines, et bellum inferant aliis, adiutores sibi naturaliter quaerant oportet. Hac enim una ratione conservationi suae vitae aliquo modo consulere possunt, vel singulariter cum uno bellum gerant, vel simul cum pluribus, prout ab hac fictitia inclinatione impellendi videntur. Quapropter etiam in hoc turpissimo statu semper superest societati locus.

<sup>4</sup> « Ad hoc, quod aliquod bellum sit iustum, tria requiruntur. Primo quidem auctoritas principis, cuius mandato bellum est gerendum . . . Secundo requiritur causa iusta; ut scilicet illi, qui impugnantur, propter aliquam culpam impugnationem mereantur. . . Tertio requiritur, ut sit intentione bellantium recta; qua scilicet intenditur vel ut bonum promoveatur, vel ut malum vitetur<sup>2</sup> ». At vero in bello omnium contra omnes haec omnino desunt; siquidem, ne de aliis dicamus, iusta causa ex utraque parte adesse nequit. Ergo statim mutui belli tamquam homini naturalem ponere idem est ac illud maximum asserere absurdum, hominem scilicet ad id, quod iniquum est, a natura ordinari.

<sup>5</sup> Dubitari nequit, quin status homini naturalis consenteus sit oporteat rectae rationi, ordinem servari iubenti, qui in eo consistit, quod cupiditates domantur, ita ut sensus rationi, haec autem Deo subiiciatur<sup>3</sup>. Atqui hic ordo in perpetuo omnium contra omnes bello haud consistere pos-

<sup>1</sup> *De Civ. Dei*, lib. XIX, c. 12.

<sup>2</sup> *2<sup>a</sup> 2<sup>ac</sup>*, q. XL, a. 1 c. Tria haec, etsi in hypothesi Hobbesiana nullam habeant vim, tamen a nobis hic sumuntur, prout communis omnium opinione probantur. — <sup>3</sup> Cf p. 79, part. I.

set; siquidem, ipso fatente Hobbesio, bellum illud ex *tumultu passionum* oritur. Ergo.

<sup>6</sup> Quoniam, « similitudo est causa amoris<sup>4</sup> », homines ex eo, quod similis sunt naturae ad mutuum amorem naturaliter feruntur<sup>5</sup>; ac proinde ad eam, quae amoris effectus est<sup>6</sup>, mutuam unionem: huiusmodi autem inclinatio cum naturali statu, quem Hobbesius fingit, aperta fronte pugnat. Neque illud s. Augustini praeternissum volumus, nempe Deum ideo ex uno primo parente genus humanum propagari voluisse, ut mutuae concordiae vinculum hominibus commendaret: « Unum ac singulum creavit, non utique solum sine humana societate deserendum, sed ut eo modo vehementius ei commendaretur ipsius societatis unitas vinculumque concordiae, si non tantum inter se naturae similitudine, verum etiam cognitionis affectu homines necterentur<sup>7</sup> ».

62. Quod si omnium gentium historiae violentias, directiones, caedes, et assidua bella referunt, naturalem hominis conditionem esse bellum id minime ostendit. Etenim in primis, ut s. Thomas inquit, *non ex conditione, sed ex corruptione naturae*<sup>8</sup>, seu ex libertatis abusu, et pravis habitibus homo se ceteris infensum exhibet. « Homo, subdit sanctus Doctor, est optimum animalium, si perficiatur in eo virtus, ad quam habet inclinationem naturalem. Sed si sit sine lege et iustitia, homo est pessimum omnium animalium, quia iniustitia tanto est severior, quanto plura habet armis, idest adiumenta ad male faciendum. Homini autem secundum suam naturam convenit prudentia, et virtus, quae de se sunt ordinatae ad bonum. Sed quando homo est malus, utitur eis, quasi quibusdam armis ad male faciendum; sicut per astutiam cogitat diversas fraudes, et per abstinentiam potens fit ad tolerandam famam et sitim, ut magis in malitia perseveret; et similiter de aliis. Et inde est, quod homo sine virtute, quantum ad corruptionem irascibilis, est maxime scelestus,

<sup>1</sup> *1<sup>a</sup> 2<sup>ac</sup>*, q. XXVII, a. 3 c. — <sup>2</sup> Cf p. 46-48.

<sup>3</sup> *1<sup>a</sup> 2<sup>ac</sup>*, q. XXVIII, a. 1 c. Quam propensionem et ipsi pueruli ostendant, qui sibi occurrentes blande ad invicem accedunt, ludorum suorum alii participatione facta oblectantur, graviterque ferunt se ab aliorum consortio avelli.

<sup>4</sup> *De Civ. Dei*, lib. XII, c. 24. — <sup>5</sup> In lib. I Polit., lect. 1.

et sylvestris, utpote crudelis, et sine affectione<sup>1</sup> ». Deinde, haec hominum depravatio bellum omnium contra omnes numquam potest inducere; tum quia non pauci homines virtuti excolendae sunt addicti; tum quia legis naturalis prima principia, inter quae illud adnumeratur, *Quod tibi non vis, alteri ne feceris*, huiusmodi sunt, ut ex cordibus hominum, etiam scelerorum, penitus deleri nequeant<sup>2</sup>.

63. Haec de Hobbesio. Rousseauvius autem hominem in statu originario et primitivo describit velut animal imbecillus quidem, quam nonnulla alia, aliis vero minus agile, at perfectioribus, quam cetera animalia, organis instructum. Porro homines in hoc statu cibum capiebant sub queru, potum ad primum aquae rivum, quietem nocturnam sub ipsa arbore, quae victimum eis suppeditabat. Observabant autem cetera, inter quae sparsi erant, animalia, eorumque imitabantur industriam, et sese elevabant ad instinctum bestiarum: unde maximum sibi robur corporis compararunt; et frequenter cum belluis, inter quas versabantur, dimicacione feroce evaserunt. Hoc modo vitam sine lingua, sine legibus, sine rationis usu, more belluarum, duxerunt, a quibus ex eo tantum distabant, quod libertate uti potuerint, et rationis compotes effici. Atque id post longa temporis intervalla evenit, cum, evoluta in hominibus perfectibilitate, artes inventae fuerint, ratio exulta, et societas per *contractum socialem*, seu, per pactum, quod homines inter se inierunt, fuit instituta. Nihil autem boni genus humanum inde consecutum est: qui nemo in statu illo sylvestri felix, et bonus erat homo; in societate autem constitutus cupiditatum, et malorum, quae miserrimam vitam humanam reddunt, fontem invenit<sup>3</sup>.

<sup>1</sup> Ibid. Et 1<sup>a</sup> 2<sup>ac</sup>, q. XCI, a. 6 c.: « Est hominis lex, quam sortitur ex ordinatione Divina, secundum propriam conditionem, ut secundum rationem operetur . . . Et unicuique . . . hoc contingit, quanto magis a ratione recesserit; ut sic quodammodo bestiæ assimiletur, quæ sensualitatis impetu feruntur, secundum illud Ps. XLVIII, *Homo, cum in honore esset, non intellexit: comparatus est iumentis insipientibus, et similis factus est illis* ».

<sup>2</sup> Vid. p. 183, part. I.

<sup>3</sup> Discours sur l' orig. et les fond. de l'inégalité parmi les hommes, t. II, Amstelod. 1772 Eamdem fere doctrinam tradidit Genuensis (*Log. ital.*,

64. Iam statum naturalē hominis in sylvestri et belluina vita absurdissime a genevensi philosopho constitui, hisce rationum momentis planum facimus.

<sup>1</sup> Ille censendus non est status hominis naturalis, qui naturae hominis adversatur. Atqui huiusmodi est status naturalis a Rousseauvio descriptus. Ergo. *Minor* hisce praecipuis rationibus demonstratur. Primo, « omnium humanorum operum principium . . . ratio est<sup>4</sup>; dum e contrario status ille sylvester hominem sensationibus tantum instructum ponit, et usu rationis, etiamsi nullum impedimentum existat, omnino destituit. Quod ex sententia Rousseauvii turpius absurdum est, qui libertatem, cuius exercitium ab intelligentiae usu profecto pendet, homini in illo statu largitur. Secundo, cum in eo statu homo Dei cognitione destitueretur, ad Deum, ad quem natura sua tanquam ad ultimum suum finem ordinatur, se dirigere non posset: Tertio, quia ita natura comparatus est homo, ut possit sese assidue perficere; quod adeo compertum est, ut ipse adversarius in hac *perfectibilitate* discrimen hominis a ceteris animalibus agnoscat. Ast haec perfectibilitas in statu illo sylvestri et solitario prorsus destruitur. Nam, ne omnia dicamus, ea profecto expostulat, ut mens sit proxime apta ad ratiocinandum, ac proinde ideis polleat universalibus, ex quibus omne ratiocinium proficiscitur; dum e contrario mens in illo statu, fatente Rousseauvio, aut nullo modo, aut difficilime, et non nisi post multa saecula, et datis tantummodo quibusdam circumstantiis, iisque fortuitis, quae idcirco potuissent numquam contingere, ideas universales et abstractas sibi comparare valuisse.

<sup>2</sup> In refutando illo paradoxo, quo Rousseauvius sylvestris hominis statum non modo non miserum, sed felicem vocal, atque societatem sonorem omnium malorum, non immoratur. Etenim qua fronte asserere quis possit hominem, etsi ad brutorum conditionem deiectum, eorum magisterio indigentem,

lib. I, c. V, p. 34 sqq, Napoli 1836), cui adhaeret Carolus Bozzetti, *De l'union de la philosophie avec la morale*, Essai IV, c. 3, p. 320-322, ed. 2<sup>e</sup>, Paris 1830.

<sup>4</sup> 1<sup>a</sup> 2<sup>ac</sup>, q. LVIII, a. 2 c.

ut quo alimento vita conservanda sit, agnoscat, cognitione Dei destitutum, tamen miserum non esse, sed felicem, aegre intelligitur. Forsan quia haec omnia, quippe ignota, sylvestris hominis tranquillitatem non turbant, nec ullam molestiam ei creant: at etiam amentes miseriam non sentiunt suam; et tamen infelices merito reputantur; siquidem carentia omnis boni proprii hominis magnum in alium et magna miseria est. Societatem omnium malorum fontem Rousseauius appellat, maxime quia hominem libertate expoliat. Ast libertate omni fraeno soluta multo optabilior quidem est moderata subiectio, cuiusmodi viget in civili, recteque instituto regimine, quandoquidem dominum, cui homines subiiciuntur, non tam adimit libertatem, quam ad rectum libertatis usum adstringit; siquidem ad proprium bonum eius, qui dirigitur, vel ad bonum commune ordinatur<sup>1</sup>.

3° Ii omnes, qui hominem e statu sylvestri ad civilem pervenisse fabulantur, inania et absurdia proferunt. Sane evenire id non potuisse propter ratiocinationis exercitium, quod in sylvestri et solivaga vita homini denegatur. Accedit, quod non nisi sermonis auxilio ad socialem vitam homines devenire debuissent: quapropter monstrorum concedendum fore absurdum, hominem sylvestrem, ideis universalibus carentem, ratiocinationis exercitium adeo perfectum assecutum esse, ut valde egregium opus, nempe sermonis inventionem, confidere potuisse. Neque ex fortuito casu progressum illum explicare possunt, ne dicant fieri posse, ut etiam animantia bruta ad statum civilem perveniant. Neque vel a quorundam populorum exemplo, qui dum rudes, ferique erant, humanos mores induerunt; vel puerorum, qui ex sensitiva cognitione ad rationalem, cum adolescent, perveniunt, aliquid possunt inferre. Nam quoad primum exemplum, hoc non est contrarium ei, quod dictum est, quod homo sit naturaliter civilis, quia et alia naturalia aliquando deficiunt propter fortunam, puta, cum alicui amputatur manus, vel cum privatur oculo<sup>2</sup>; deinde illi populi non quidem omnis cognitionis, praeterquam sentientis, expertes erant, sed quaedam intelligentiae, et cuiusdam societatis generis indicia pre-

<sup>1</sup> I, q. XCVI, a. 4 c. — <sup>2</sup> In lib. I Polit., lect. I.

seferebant: insuper illorum populorum conditio non erat naturalis, sed potius defectio a naturali statu: denique non ex seipsis, sed tantum ope iam cultorum hominum conditionem suam immutarunt<sup>3</sup>. Quoad alterum, recte adnotavit Gioberius, illud quod de individuo homine dicitur, qui in societate iam constituta nascitur, universae speciei humanae aptari non posse; siquidem haec, si in imbecilli statu pueritiae, absque exteriori auxilio, esset creata, suis indigentius supplere non valuisset, atque, tamquam recens natus in solitudine derelictus, emortua foret<sup>4</sup>.

65. Denique, ne plura dicamus, sylvester conditio homini naturalis mendacii redarguitur tum a vetustissima historia a Moïse descripta<sup>5</sup>, quae, etiamsi tamquam divinitus inspirata non agnoscatur, talem praesertim auctoritatem, ut omnem prorsus mereatur fidem<sup>6</sup>; tum ab historiae profanae valde exploratis documentis<sup>5</sup>; tum a cunctis vetustis traditionibus, quae, ut ipse Cousinus testatur<sup>6</sup>, in eo mirifice consentiunt, quod perfecta fuit generis humani primaeva conditio. Quocirca hypothesis illam a genevensi philosopho confitam, etsi non desint, qui hodie complectantur, uti Augustus Comte<sup>7</sup>, tamen ipsi nuperi antesignani Rationalistarum Fichteus, Schellingius, Hegelius, et cum his Herderus omnino reiiciunt, et fatentur philosophiam, nisi consigerit ad Genesim, quae veram rerum originem narrat, numquam ad solutiones quaestionum perventuram<sup>8</sup>.

ART. III. Quomodo societatis civilis origo naturalis sit dicenda, definitur

66. Tertium, quod circa originem civilis societatis propo-

<sup>1</sup> Vid. Annales de littérature, et d' arts, t. X, p. 286-287; De Feller, Catechismo filosofico (trad.), lib. 2, c. 1, n. 152-156, p. 149-155, ed. cit.

<sup>2</sup> Introd. allo studio della filosofia, t. III, c. 7, p. 260, Bruxelles 1844.—<sup>3</sup> Gen., II, 7, 8, 19.

<sup>4</sup> Cf Cellerier, *De l'autorité des livres de Moïse*.

<sup>5</sup> Cf Barthelemy, *Voyage du jeune Anacharsis en Grèce*, Paris 1799; Maltebrun, *Précis de géographie universelle*, liv. CXVII, t. VI, p. 133; Deping, *Descrizione topografica della Grecia*, t. I, p. 150.

<sup>6</sup> Introd. à l' histoire de la phil., lec. VII, p. 194, Bruxelles 1836.

<sup>7</sup> Cf quae adversus eum disserimus in Ephem. *La Scienza e la Fede*, vol. IX, p. 81 sqq, Napoli 1845.

<sup>8</sup> De his vid. Ubachs, *Log. pars altera*, c. I, § 4, p. 173.

suimus, superest explicandum, scilicet quomodo societatis civilis origo dicenda sit naturalis.

Qua in re praestat audire s. Thomam: In primis ipse ostendit naturalem esse societatem domesticam, nempe 1° inter virum et foeminam; siquidem omni animali « inest naturalis appetitus, ut post se derelinquit alterum tale, quale ipsum est, ut sic per generationem conservetur in specie, quod idem numero conservari non potest »; 2° inter dominum et servum, quia « natura non tantum intendit generationem, sed etiam quod generata salventur » ac proinde intendit societatem inter dominum, « qui suo intellectu potest praevidere ea, quae congruunt saluti, puta caussando proficia et repellendo nociva », et servum, « qui potest per fortitudinem corporis implere opere, quod sapiens mente praeviderit »; 3° societatem inter patrem et filium, « quae ex prima causatur ». Deinde probat naturalem esse societatem inter eiusdem vici homines. Etenim « nihil est magis naturale, quam propagatio multorum ex uno in animalibus: Et hoc facit vicinia domorum. Hos enim, qui habent domos vicinas, quidam vocant collactaneos puerosque, id est filios et puerorum pueros, id est nepotes; ut intelligamus, quod homini vicinia domorum ex hoc primo processit, quod filii et nepotes multiplicati instituerunt diversas domos iuxta se habitantes. Unde, cum multiplicatio prolixi sit naturalis, sequitur, quod communitas vici sit naturalis ». Denique ex his infert naturalem esse societatem civilem, « quae ex pluribus vicis constituitur »; tum quia « civitas generatur ex praemissis communitatibus quae sunt naturales »; tum quia est finis illarum, siquidem ad bene vivendum ipsae tendunt, id quod, ut iam diximus<sup>4</sup>, non nisi in civili societate obtineri potest: « Finis rerum naturalium est natura ipsarum: sed civitas est finis praedictarum communitatum, de quibus ostensum est, quod sunt naturales; ergo et civitas est naturalis<sup>2</sup> ».

67. Ex his satis colligitur 1° originem societatis civilis esse naturalern, quia a natura dictatur, seu quia homines naturali rationis dictamine ad id inclinant, quod perfectum est, ac

<sup>1</sup> P. 416-417. — <sup>2</sup> In lib. I Polit., lect. I.

proinde ad societatem civilem, ex qua repelluntur incommoda, et comparantur commoda vitae; 2° Factum primigenium, per quod haec naturalis propensio ad actum constituendi societatem civilem pervenit, fuisse familiarum propagationem. Quae tam non impediant, quominus hominum naturae voci obtemperantium consensio accesserit, praesertim ut sub determinata forma societas civilis constitueretur<sup>4</sup>.

ART. IV. *De fine, ad quem societas civilis ordinatur*

68. Finem, ad quem quaelibet societas destinatur, esse bonum commune sociorum ex ipsa societatis notione intelligitur<sup>2</sup>. Et quoniam societas civilis est velut totum, quod ex variis hominum aggregationibus, tamquam partibus, efficitur, bonum, quod ipsa, velut finem, assequi intendit, huiusmodi sit oportet, ut peculiares illarum fines adiumentum exinde accipient, simulque ipsi subjiciantur: « Perfecta communitas civilis est, ut dicitur in I Politic. In quolibet autem genere id, quod maxime dicitur, est principium aliorum; et alia dicuntur secundum ordinem ad ipsum<sup>3</sup> »; quare « bonum unius domus ordinatur ad bonum unius civitatis<sup>4</sup> ». Nam, quoniam sit hoc bonum, in praesenti articulo est nobis explicandum.

69. Prop. *Societas civilis immediate ad bonum commune exterius, quod cum interiori bono sociorum coniungitur: mediale ad ipsum ultimum eorum finem tendit*<sup>5</sup>.

Prob. 1<sup>o</sup> pars. Finis, ad quem societas ex sui natura destinatur, nequit profecto esse bonum, ad quod assequendum ipsa suis viribus impar est; sed oportet, ut sit bonum, quod eius activitati et efficacie respondeat; nam oportet, ut « ea, quae sunt ad finem, sint proportionata ad finem inducendum<sup>6</sup> ». Atqui activitas societatis civilis non nisi circa ea, quae ad exteriorem ordinem pertinent, potest versari, quia non

<sup>1</sup> Consensus iste in iis, qui in societate iam constituta enascuntur, sufficit, ut sit praesumptus. — <sup>2</sup> Cf p. 86.

<sup>3</sup> 1<sup>a</sup> 2<sup>ac</sup>, q. XC, a. 2 c. — <sup>4</sup> Ibid., a. 3 ad 3.

<sup>5</sup> Vid. Taparelli, *Op. cit.*, t. I, Part. 2, Dissert. 2, c. 4, § 721 sqq., p. 341 sqq., ed. cit.

<sup>6</sup> In lib. IV Sent., Dist. XLIX, q. I, a. 1, sol. 3 ad 3.